

Турнаны умой дасяськоно но сое вылй зечлыкэн ортчытоно

Арлы быдэ асьме районин сюрс гектар'ёсын возьёсты но кизем турынесты турнан ортче. Турын турнан—сельскохозяйственной арлэн самой кулэлыко дырыныз луэ. Вакчи дыр куспын государстволы сётыны но асьсэлы колхоз'ёслы пудоосты сюдыны понна тырмымон туры дасяны кулэ.

Турынэз октон-калтонын главноез—ыштон'ёсын нюр'яськон. Тужгес но бадзымесь ыштон'ёс луо соку, ку турнан ортчытыське трослы бере кылыса. Бер турнан ичи турын гинэ уг сёты, но озыы ик улэ уськытэ турынлэсь зечлыкэс но кыктэтйэ турнаны луонлык уг сёты ни.

Наблюдениос возматэ, кылсярысь, что клевер турынын, кудйз калтэмын сясыкасыкыкуз, возыське белковой веществоосыз 20 процентлы тросгес, чем сясыкаса вуэм безаз турнамлэсь. Нош белок—судонлэн тужгес но дуно люкетэз. Бер турнан дыр'я белок'ёс гинэ трос уг ышо, но озыы ик турын чурит луэ.

Всесоюзной сельскохозяйственной выставкалэн участник'ёсызлэн опытысы валамон возматэ, что турын турнамын луыны кулэ вазь, нош турынез куасьтон жог. Турын куасьтонэз бере кельтон улэ уськытэ турынлэсь сюдон зечлык'ёссэ. Көнэ кема куасьтыське турын, сотын ялан тросгес питательной веществоосыз ышо (кылсярысь, сахарез—20-сен 88 процентозь, крахмалез 2-сен 28 процентозь но мукет'ёсыз).

Если турын турнан но куасьтон дырыз дыр'я ортчытэмын, турын иметь каре приятной

арамат вож зын, сотын сохраниться каро н ы р - н я р куар'ёсыз.

Турынэз дун турнам озыы ик бадзым значение иметь каре. Муз'ем вылысен 8—9 сантиметр турнатэк кельтон дыр'я турын выжы дорысь куар'ёсыз турнатэк кыле. Озыы бере трос турын окытэк-калтэтытэк кыле. Турын турнанысь мастер'ёс доказать каризы, что турынез тужгес но экономно турнан луэ соку, кукке выжы дорысеныз 4—5 сантиметр гинэ ке кыле.

Турын турнаны кутскытозь дыр кема оз кылы ни. Соин ик сое вылй зечлыкэн ортчытыны понна турнанэз образцовой дасьлык'ёсын пумитано. Котькуд колхозлэн правлениез али ик кутскыса литовкаос, шер'ёс, мадеш'ёс дасяно луэ. Ваньмыз тупат'яса быдэстэмын луыны кулэ турнан но маштаськон машинаос, уробос но турнаны кулэ луысь вань тйрлык'ёс. Нош интыгысь куд-ог факт'ёс возматэ, что районунысымы колхоз'ёсысь 92 турнан машинаос пöлысь али дырлы копак 13 гинэ тупат'ямын ни.

Котькуд колхозын возьёсты умой уялтон организовать каремын луыны кулэ. Котькыче возез али ик сузыяно улвайлэсь, кулэтэм векчи писпулэсь но мукет'ёсызлэсь.

Колхозной фермаосысь общественной пудоослэн йырлыдыз будэмен валче, туэ толалтэ трос турын дасямез кулэ каро, чтобы соосты обеспечить карыны тырмыт сионэн. Нош трос турын окыны-калтыны быгатод соку, кукке колхоз'ёслэн кивалтисьёссы та ужен мылысь-кыдысь кивалтозы.

Болгарской газет болгарской рабочийёслэн улонзы сярись

София. (ТАСС). „Труд“ болгарской газет „Надежда“ шахтаысь рабочийёслэсь шахтаын ужан условиос сярись заявленизэс поттйз. Рабочийёс гожто, что колдоговорен определить карем одйг нунал'ем тырон рабочийёслы уг тырыськы. Дунэн сёт'яны эскерем отпуск'ёс уг сёт'ясько. Шахтаысь магазин продукт'ёсты мултэс дуно дун'ёсын вузалля. Уждун дырыз дыр'я уг сёт'яськы. Рабочийёс уждунзы чотын аванс'ёсты коньдонэн уг басьто, сое басьто специальной маркаосын, куд'ёсыз'я продукт'ёсты басьтыны луоз верам магазинын гинэ. Шахталэн управлениез чем дыр'я рабочийёслы 5 нунал'ем уждунзы мында штраф'ёс сёт'я. Заявлениын озыы ик шуиське, что шахтаысь венти-

ляция урод ужа. Трос дыр'я шахтаын ужан урод лампосын ортчытиське, со тйни несчастной случайёсы вуттэ. Та газет ик „Каргель“ табачной фабрикаысь рабочийёслэн положенизы сярись Шуменысь ивортонэз поттйз. Та ивортонын шуиське, что фабрикаын ужасьёс пöлын данакез нылкышноос луо, малы ке шуоно, писмурт'ёс армие басьтылэмын. Ужан нунал 10 час кытйське. Фабрикалэн кузёосыз ужасьёсты мыскылляса возэ. Табачник'ёслэн ужан юртсы зоскыт но технической безопасность сярись законлэн требованиосызлы отвечать уг кары. Вентилятор'ёс вань ке но, соосты электроэнергиез шыр'ян понна уг ужатыто.

Сельскохозяйственной культураослэн вредительёссылы пумит нюр'яськон ужрад'ёсты ортчытонлэн мынэмез сярись

Удмуртской АССР-лэн Народной Комиссар'ёсызлэн Советсылэн но ВКП(б)-лэн обкомезлэн бюроезлэн постановленизы

Проверить карыса тодэмын, что сельскохозяйственной культурыосы кизем интыосын, уката ик етйн кизем но бакчасион'ёсты мертэм интыосын, вредительёслы пумит нюр'яськон трос район'ёсын туж ляб организовать каремын. Ижевской районунысь „Ударник“ колхозын бакча блошка 9 гектар кубистаез быдтйз. Якшур-Бодыинской, Балезинской но мукет'ёсыстыз район'ёсысь колхоз'ёсын етйн кизем интыосысь етйн блошка но етйн трипс шедьтэмын. Та район'ёсысь колхоз'ёс сельскохозяйственной культураослэн вредительёссылы пумит нюр'яськыны дасьскиллямтэ, Сельхозхимснабысь ядохимикат'ёс но аппаратура вайымтэ, етйн трипслы пумит авиаопыливание лэсьтон понна негашеной известь дасямтэ.

ВКП(б)-лэн тросэз райком'ёсыз но райсовет'ёслэн исполком'ёссы етйн трипслы пумит нюр'яськон'я кылем арлэн янгыш'ёсыстыз кулэ пуйсь вывощ'ёсты оз лэсьтэ и туэ та янгыш'ёсты вылысы лэсьтыло.

Удмуртской АССР лэн Народной Комиссар'ёсызлэн Советсы но ВКП(б)-лэн обкомезлэн бюроез лукто:

1. ВКП(б)-лэн райком'ёсызлэсь секретарьёссэс но райсовет'ёслэн исполком'ёссылэсь председательёссэс коsono:

а) кык-куинь нунал'ем срок куспын Сельхозхимснабысь ядохимикат'ёсты, аппаратура но марля взёнэз обеспечить карыны, нош Балезинской но Глазовской район'ёсты етйн трипслы пумит авиаопыливание лэсьтон понна негашеной известь дасянэз быдэстыны коsono;

б) вань колхоз'ёсын етйн, кöжы, бакча-сион'ёс но му

Удмуртской АССР-лэн Народной Комиссар'ёсызлэн Советсылэн председателезлэн заместителез
А. СОЛОВЬЕВ.

ВКП(б)-лэн Удмуртской обкомезлэн секретарез
14 июне 1941 арын **А. ЧЕКИНОВ.**

Ближней Востокусь австралийской частьёсты кужмоятэ

Нью-Йорк, (ТАСС). Кызы ивортэ „Нью-Йорк таймс“ газетлэн метьбуурнской корреспондентэз, английской правительство австралийской военной кабинетлы официально ивортйз со сярись, что Ближней Востокусь австралийской частьёс азыланьын кужмо

юртэг басьтозы авиация ласянь. Авиацилэн австралийской министрз Мак Эуэн шуиз, что Ближней Востокусь австралийской частьёслы ватсаса сётэмын луозы на английской но американской истребительёс, куд'ёсыныз валтозы английской летчик'ёс.

Япониын сйль ичиомиз

Токио, (ТАСС). „Иомиури“ газета ивортэ Япониын сйль вузанэз кулэстэм сярись. Кызы возматэ газет, кылем арын Токиоын толэзлы быдэ

вузасько вал 44.538 суро пудоос но 118.881—парсьёс. Туэ 5 толэзь чөже (январь—май) вузамын 16.140 гинэ суро пудоос но 1517 парсьёс.

Москва, 27 мая 1941 г. 1941 г. Веселого -
 над Екимовым, 1941 г. 1941 г. Веселого -
 4/29

Решениосты быдэс'ямез нуналмысь эскерылово

Аслэстыд но вышестоящей организациослэсь решениоссэс быдэс'ямез эскертон большевистской кивалтонлэн основной но ответственной участок'эсыз пöлысь одйгеныз луэ. Решениосты уж вылын шонер быдэс'ям Советской государственноез юнматэ.

Ленинск-Сталинской указаниос та ужын бадзым инты шедьтйзы, кудйз эшшо но кужмоятэмын на ВКП(б)-лэн 18 Всесоюзной конференцииэзлэн решениосыныз. Та решение эшшо одйг пол подчёркнуть кариз на, что "...кивалтон ужлэсь бадзым люкетсэ составлять карыны кулэ не заседательской уж но решениосты кутылон, а та решениосты уж вылын быдэс'ямез нуналлы быдэ эскерон."

Та исторической решение вылэ, партилэн но правительстволэн решениосты уж вылын быдэс'ямез эскертон сярись троспол указаниоссы вылэ учкытэк, интыысь совет'эсын та указаниос али но уж вылын тырмымон уг быдэс'ясько на.

Райсоветлэн исполкомез 1941 ар кустын 137 вопрос'эсты эскертйз но, котькуд вопросэн нимысьтыз решение кутылйз. Озы ке но та решение тросэз уж вылын быдэстымтэ. Кылсярись, колхозной вузкаронэз умятон но тросэн кулэ луись вуз'эсты поттонэз паськытатон сярись решениос райторготделэн али но тырмыт уг быдэс'ясько на. Райсоветлэн интыысь промышленностья огделэзлэн заведующеез решениосты уж вылын уг быдэс'я. Озы бере районьсытымы интыысь промышленность 1941 арын ньыль толзэсь кустын производственной планзэ копак 66 процентлы гинэ быдэстйз. Пищепромкомбинат 1941 ар кустын алкогольтэм на п и т к а о с т ы 500 декалитр поттыны кулэ ке

вал, орчем 5 толзэсь кустын со ужаны ик дз кутскылы на.

Таке ик положение сельисполком'эсын но. Баяранской сельисполком туэ ар кустын трос решениос поттылйз, нош соосты уж вылын быдэс'ямез эскертон татын вунэтэмын. Люмской сельисполком трос решениос поттылйз туэ арын тулыс кизёнэз орччытыны образцово дасяськон сярись, но со решениослэсь быдэс'яськемзэс эскертимтээн, та сельсоветысь колхоз'эс тулыс ю кизён уж'эсты чидантэм урод быдэс'язы: кизён машинаосты но кулэ тйрлык'эсты умой тупат'ямтээн, кизён уж'эс кема кыстыськызы.

"Выль сюрес" колхозын октон-калтон кампанилы дасяськон уж'эс но урод пуктэмын. Та колхозын 94 валлы 12 сяна ветлыны ярано уробооссы өвёл. Октон-калтон кампания азе тазы дасяськон кышкытлык кылдытэ, что асьме район октон-калтон уж'эсты вакчи дыр кустын быдэстыны уз быгаты. Тае умой юнматэ на со факт но, что МТС-ысь 14 комбайн'эс пöлысь али дырлы одйгез сяна тупат'яса быдэстымтэ на.

Кызы райсоветысь, озы ик сельсовет'эсысь постояннодействующей комиссиос ноқыче ужен но уг кивалто, нош исполнительной комитет'эс таслэсь ужзэс уг куро. Ляб ужало куд-ог депутат'эс но.

Азыланьын ужез умятон понна решениосты уж вылын быдэс'янез кулэз'я пуктоно. Уже кыскыны кулэ исполком'эслэсь вань депутат'эссэс но сотысь постояннодействующей комиссиосты.

К. МАКСИМОВ.

ВКП(б) райкомлэн кадр'эс'я инструкгорез.

ТАСС-лэн ивортонэз

СССР-ын английской посоллэн г. Криппслэн Лондонэ вуэмезлэсь азывыл но, уката ик солэн вуэмез бере, английской но вообще иностранной печатьын кыл вöлмытйзы "СССР но Германия кустын войналэн матынэз сярись". Со кыл вöлдон'эс'я: 1) Германия, пе, СССР-лы территориальной но экономической характер'ем претензиос пуктэм и табере, пе, Германия но СССР кустын переговор'эс мыно выль, кустызы уката матынгес соглашение тупатон сярись; 2) СССР, пе, со претензиосты палэнтэм, соин сэрэн Германия войскооссэ СССР-лэн границаосыз доры люканы кутскиз, СССР вылэ нападать карон понна; 3) Советской Союз, ас черодаз, Германилы пумит войнаны, пе, кужмысь дасяськыны кутскиз и войскооссэ люка, пе, солэн границаосыз доры.

Сыче кыл вöлдон'эс бесмысленоесь ке но, Москваысь ответственной круг'эс, сыче кыл вöлдон'эс вöлмылэмен, кулээн лид'язы ТАСС-ез уполномочить карыны тазы вераны, что та кыл вöлдон'эс луо СССР лы но Германилы пумит луись кужым'эслэн сапрес пöрам пропагандаенызы, куд'эсыз тыршо войнаез азыпала паськытатыны но вöлмытыны.

ТАСС вера, что: 1) Германия СССР-лы ноқыче претензиоссэ өз вералла на и кыче ке выль уката матысьгем соглашение но уг чекты, соин

ик та ласянь переговор'эс но ой вал; 2) СССР-лэн данной-эсыз'я, Германия озы ик Советской Союз сямен ик неуклонно быдэс'я нападать каронтэм сярись советско-германской пактлэсь условноссэ соин тйни, советской круг'эслэн малпамзья, Германилэн пактэз чигтыны но СССР вылэ нападение лэстыны турттэмез сярись кылпум'эс зэм уг луо, нош берло дыре Балкан'эсын операциослэсь мозмытскем германской войскоосты Германилэн восточной но северовосточной район'эсаз нуон герзаськемын, малпано луэ, мукет муг'эсын, куд'эсыз советско-германской отношениосын герзаськемын өвёл; 3) СССР, кызы со пöтэ солэн мирной политикаез бордысь, быдэс'яз но быдэс'яны малпа нападать каронтэм сярись советско-германской пактлэсь условноссэ, соин ик, Германилы пумит СССР война дася шуыса вöлдэм кылпум'эс зэмлы уг тупало но провокационной луо; 4) Красной Армиилэн запаснойэсыныз али гужем орччытйськысь сбор'эс но вуоно маневр'эс асьсэ азе ноқыче мукет ужпум уг пукто, запаснойэсты дышетон но чугун сюрес аппаратлэсь ужзэ эскеронэз сяна, куд'эсыз, кызы тодмо, арлы быдэ быдэс'ясько, соин тйни Красной Армиэльсэ та ужрад'эссэ Германилы враждебной луисен возматыны турттэм матын но шонер уг луы.

Заслугаоссыя бастйзы

Суд

Пудемской лесничествоын ужасьёс Г. Ф. Перцев, М. И. Банников, К. П. Русских, С. Н. Юсов но В. Н. Акатьев аслазы служебной положениенызы злоупотреблять карылйзы. (Учкелэ туэ арын 3 июне поттэм "Г о р д з н а м я" газетэз). Таослэсь ужзэс 12-13 июне Пудемысь калык суд уч-

киз но Г. Ф. Перцевез 5 арлы свободалэсь но 5 арлы правлэсь, С. Н. Юсовез одйг ар но жынылы свободалэсь лишить кариз. М. И. Банников, К. П. Русских но В. Н. Акатьев быдэн одйг арты исправительно-тудовой уж'эсын ужаны, ужам дунысьтызы толзэзлы быдэ быдэн 25 процент кельтылыны приговорить каремын.

Научной беседаос

МАР АДЖО УЧЕННОЙЕС ИНКУАЗЫБЫСЬ

"Мирез сотворить каремез" Библия валэктэ огшоры гинэ. Инмарлы мирез создать карыны к у а т ь нунал гинэ кулэ луиз, нош сизыметй нуналаз со шыдэтскиз. Нырысь инмар ссзятать кариз чурыг небесной свэд, собере шундыез, толзез, кизылыосты но ваньзэ кылем'эссэ. Шунды но Толэзэ предназначить каремын со понна гинэ, чтобы югдытыны муз'емез, кытын улэ адыми. Муз'ем, библия, сылэ мирлэн шораз — вань светилаос ветло со кытыртй.

Та наивной сказкаез "свяшонное" ялыса, черк лыд'ялэз, что мирысь строениос вылэ портэмез учкон'эс колебать каре солэсь авторитетсэ. Соин ик черк со властлэн юрттэмез'я, кудйныз со пользоваться кариз эксплуататорской государственоын, жестоко пачкатылйз вселеннойлэсь строенизэ мукет сямен валэктны туртскысь наукалэсь котькуд попытказэ.

Нырысен ик, кин кышкатэк палдуртйз мирлэн строениез

сярись библейской учениез, вал ученый Николай Коперник. 400 арлэсь но трос талэсь азыло Коперник возматйз, что асьмелэн муз'еммы—шар но мукет'эсыныз чош ик, сыче шар'эсын ик—планетаосын, куд'эсыз табере тодмо ни эшшо тямыс, бергало шунды кытыртй. Ваньмызлы соослы шунды сётэ шунит но югыт. Планетаос, шундылэн спутникеныз луыса, озы ик иметь каро асьсэлэсь спутник'эссэс. Асьме муз'еммылэн спутникез — Толэзь. Со муз'ем дорысен 380 сюрс километр кытырын и солы самой матысь небесной телоен луэ. Толэзь пичигес муз'емлэсь и аслэстыз югытэс уг сёты, а югытэз Шундылэн югытэзлэн пиштэменыз. Шунды ачиз нош, —со туж бадзым раскалленной светило. Со муз'емлэсь миллион поллы бадзым.

Муз'ем дорысен Шунды дорозь кустыпсы—150 миллион километр кытыр. Если муз'ем матын ке луысал шундылы, то сатын ноқыче улон но лу-

ыны ой быгатысал, яке Шундылэн вылаз температурэз 6000 градус шунит вуэ.

Номырин вооружить карымтэ адыми син инкуазыбысь адзыны быгатэ 6000 кытыр кизилиосты. Матысь кизылылэн кустыпез определить каремын сю арлэсь ожит гинэ тросгес талэсь азыло. Со оказаться кариз, кызы витьыське вал, туж бадзым. Асьме дорысен шунды матысь кизылы кемын ке луысал, адскысал озы ик пичигес гинэ кизылыиен но чик ой ыстысал муз'ем вылэ шунитсэ.

Кызы нош тае калык ваньзэ тодйзы? Небесной телаослэн строенизы но развитызы сярись вопросэн сю ар'эсын заниматься каре ни специальной наука—астрономия. 300 арлэсь но кема приобрести каремын телескоп (зöкомытысь стеклоен учкон турба), кудйныз ученойэс-астронэм'эс изучить карызы но каро не только Шундыез но Толэзэ, но и трос кизылыосты но. Изобрести каремын озы ик прибор, кудйныз луэ определить к а р ы н ы не-

бесной светилаослэсь составзэс но. Та прибор нимаське спектроскоп.

Инкуазыбысь светилаосты изучить карыны понна кылдытэчын специальной научной учреждениос —обсерваториос. Таке обсерваториос СССР-ын трос ни. Соос пöлысь самой бадзыменыз луэ Пулковской обсерватория (Ленинград дорын). Сталинской пятилеткаослэн ар'эсыз кустын лэстытэмын в ы л ь обсерваториос Абастуманын (Грузинской ССР) но Сталинабадын (Таджикской ССР).

Кизылыиос сяна, астроном'эс наблюдать каро на инкуазыбысь пичиесь бус пятноосты. Соосты внимательно изучать карон возматйз, что со асьме дорысен палтурын сылйсь огакэськем кизылыиос.

Астрономической инструмент'эслэн совершенствоваться каремзья, адыми тросгес тодэ вселенноез, умойгес тодмо луо мирез сотворить карем сярись религиозной сказкаослэн вань нелепостьсы.

Астроном К. А. ВОРОШИЛОВ

Отв. редактор П. МАЛЫХ.